

起渡仙界天尊引法師請元始前納
策杖 法師再拜上香

小北日恭誠惶誠恐稽首頓首再拜上言
聞上帝溥好生之德思洽三靈下民昧死
之機神沉九壘已藉提携之造靈殫激切之

忱巨向來奉為齋主恭依律修齋然燈破獄
請威神之策杖開鬱絕之幽關獄吏承符冥
曹稟命茫茫夜壑苦魂快樂以仙飛寂寂寒
庭罪爽逍遙而神舉豈巨愚昧能致感通實
帝慈悲獲令化育佩如天之厚惠慚無地以
酬恩謝語期德心切切祈有元請到策杖
恭對道前特伸奏納仰祈鑒俯賜允俞干
冒天威巨不勝俯伏戰兢之至謹再拜稱謝
以聞

贊引歸靜照堂

靈寶領教濟度金書卷之三十三

靈寶領教濟度金書卷之三十四 罪七

洞微高士開光救苦真人壽金身後
靈寶通玄私教水南先生林靈素編

科儀立成品 通用

九幽燈儀

靜照堂序立

贊引至燈壇 步虛

具位巨恭謹焚寶香遙瞻供養

太上無極大道三寶上帝十極高真三界靈
司無執主執玄壇應感內外威靈願運慈光
俯垂明證伏以二儀定位圓清高耀於光明
四象成形方濁結凝於幽暗建陰陽而分晝
夜列儀璠而別晦明煥爛朝輝等象陽之帝
所幽陰夜色並鬱絕之神鄉况賦形有迷悟
之分而委判有升沉之異倘淪昏翳莫際輝
華是以仙聖曲於帝師垂憫立然燈之寶範
崇破暗之瓊章上照諸天增陽光而煥映下
明列座廓陰暗以輝華俾寔庭無悲惱之聲
而夜壑息酸辛之苦巍巍神力赫赫靈功今
有齋主恭資薦其人崇建其齋次依按經法

恭然九幽神燈返陰還陽續明啓暗伏願九
霄八極均朗映於神燈六趣三塗溥煥流於
夜燭齊資照耀各遂升仙稽首皈依虔誠讚
詠

十方靈寶天尊

伏以九炁凝芒碧落耀發生之府三華發秀
青林開長樂之宮聳日觀於岱宗接雲瀛於
滄海扶桑啓旦霽不流榮今有齋主恭崇建
其齋燃點九幽神燈上照東方太青諸天納
善福堂光景煥明虛空朗耀中照靈宮三綠
分野辟斥幽翳掃蕩妖邪下照東方風雷地
獄飛戈停刀震雷駭威即使見禁罪魂乘此
光明頓消幽暗徑上華林之境面朝玉寶之
尊清眾運誠虔誠讚詠

明燈映太真 賜谷耀朱霞 流香表三素
汎景東皇家 上携無極爽 騰景戲青華
空歌生快樂 幽夜掃紛花

寶光通照天尊
伏以三炁凝華朱陵著鍊形之格九陽散彩
丹天垂度命之符映玉緯於太微權金衡於

飛火衝宗華蓋波瀾夾州今有齋主其崇建

其齋然點九幽神燈上照南方太丹諸天納

吾福堂光景煥明虛空祥光廓映中照離宮

九紫分野掃除奸惡消伏凶災下照南方火

野地獄塗炭息滅猛火沉烟即使見禁罪魂

乘此光明頓消陰暗徑上梵天之境面朝萬

福之尊清眾運誠皈依讚詠

明燈映太玄 炎上煥朱烟 懺儀駕火龍

丹精校萬仙 朱陵度命籍 遊宴不窮年

遊觀飛樂樂 担赤珠華田

通光澤照天尊

伏以七炁網緼素皇御浮羅之獄九明流演

皓靈司福德之墟揖金虎於天街策玉龍於

崑園長庚孕秀華嶽凌空今有齋主其崇建

其齋然點九幽神燈上照西方太素諸天成

行福堂光華流明萬方明耀中照允宮七赤

分野蕩除凶沴消伏妖邪下照西方金剛地

獄金繩息考鐵杖停威即使見禁罪魂乘此

光明頓起幽暗徑上金光之境面朝太妙之

尊清眾運誠皈依讚詠

明燈映太清 流光明金門 長庚蓬華耀

下燭北鄴魂 幽臺應畫景 仰照希夷事

赤書開錦笈 瑞簡九天思

流光應現天尊

伏以五炁徘徊黑帝肅玄冥之令一元靡落

辰精符北朝之權調玉燭於珠璣開紫樞於

閭闔太陰運御玄武經籙今有齋主其崇建

其齋然點九幽神燈上照北方太玄諸天清

淨福堂流映萬空明明煥耀中照坎宮一白

分野掃片妖惡推却凶坎下照北方溟泠地

獄冰戰潛毒霜刃藏鋒即使見禁罪魂乘此

光明頓消幽暗徑上真靈之境面朝玉晨之

尊清眾運誠皈依讚詠

明燈映太玄 流羅吐陰輝 晨華冠北朝

綉虹耀天衣 遊逸八遊觀 遊奕傳仙飛

千齡壽時息 萬劫一朝餘

流光法界天尊

伏以系華少陽空歌振浮黎之上日賓陽谷

攝提杓龍角之躔棲滄島於方諸潛鬼營於

漸嶺良山定鎮泰象疑華今有齋主其崇建

其齋然點九幽神燈上照東方始音諸天

長樂福堂華耀煥明流光普映中照良宮八

白分野辟除毒沴瀾災衰下照東方鎮

湯地獄清涼徹景炎積威即使見禁罪魂

乘此光明頓消幽暗徑上長樂之境面朝度

仙之尊清眾運誠皈依讚詠

明燈映太虛 天光燭始青 下耀鬱單界

上煥玉隆城 靈章疑恩露 飛奕邁高征

九幽皆解脫 天澤慶回靈

靈元萬善天尊

伏以炁煥太陽始丹御碧霞之界音調朱雀

太微聯流火之庭納萬壑於歸墟洗八風而

眇莽域司地戶機應天關今有齋主其崇建

其齋然點九幽神燈上照東南方始丹諸天

用賢福堂光徹虛空煥明萬象中照巽宮四

碧分野却清邪穢洗蕩奸妖下照東南方銅

柱地獄焚灼息苦刑鍊收威即使見禁罪魂

乘此光明頓消幽暗徑上碧霞之境面朝度

命之尊清眾運誠皈依讚詠

明燈映太元 金碧輝南丹 恰華流梵響

王女佩珠環 俯控雲霄取 明霞不可攀
妙哉靈奕樂 碧霧御天關

開光濟度天尊

伏以絜肇月庭東井啓黃華之粹陰生素域
參旗分白獸之精澄金類於蓐收配商官於

夷則象符地軸維啓人門今有齋主某崇建
某齋然點九幽神燈上照西南方始素諸天
仁靜福堂祥光洞灼煥耀無邊中照坤宮二
白分野肅清災毒掃滅妖氛下照西南方層

割地獄刀刃息毒割切藏威即使見禁罪魂
乘此光明頓消幽暗徑上耀真之境面朝虛
皇之尊清衆運誠皈依讚詠

明燈映太虛 始素湛玉霄 圓光煥結璘
天關近回鸞 縱觀六合裏 惡根應化消
鬱鶴騰飛馭 凌空度法橋

金光耀絲天尊

伏以絜結天門清微御九關之峻光浮帝所
碧虛流萬梵之周仰東壁於乾維俯西崑於
宸闕陽精衍育陰粹潛凝今有齋主某崇建
某齋然點九幽神燈上照西北方始玄諸天

延賢福堂光華朗耀流煥虛空中照乾宮六
白分野肅清災瘡掃却凶邪下照西北方火
車地獄刀輪停苦炎毒收威即使見禁罪魂
乘此光明頓消幽暗徑上妙有之境面朝天
華之尊清衆運誠皈依讚詠

流光萬變天尊

明燈映太初 燦燦浴飛虹 仰觀八圓際
雲華迤西東 微魔檢玄律 上天攝北鄴
生神鍊遊魂 穩步登朱宮

伏以一絜高流皎日耀玉京之頂萬霄羅絡明
霞拱金闕之崇御無色於鬱羅覆有琅於潭

壘雍和政柄撫料玄綱今有齋主某崇建某
齋然點九幽神燈上照中央諸天福堂光景
煥明流輝無極中照中官境域神州珍息災
凶摧伏奸惡下照中央溥掠地獄刀山斷刃
劍樹藏鋒即使見禁罪魂乘此光明頓消幽
暗徑上紫霄之境面朝天華之尊清衆運誠
皈依讚詠

明燈映太玄 披明無幽鄉 龍旂御通明
鳳葆舞象陽 金真空中降 神虎徵魔王

左提幽關奕 來觀道德香

開光濟度天尊

次誦明華太晶開光通達神呪
開光華齊六衝通 桐碧霞彩來玄風
太華帝君飛度旨 吾奉寶文破羅鄴

傳景散象若衆妙 金馬赤龍素來從
神鄉真官速送受 聖師玉簡書爾功
流光法界天尊

向來闡祝九幽神燈功德周圓伏願連炬飛
華照諸天而朗徹蘭膏應彩輝九壘以流明

○ 昔今夜景之昏濛均觀曩陽之煥耀自然懼
樂欠息鼓而冰靜成永絕酸辛切為齋而刀
為樹三途罪奕出離冥途五道衆魂超度善
道仗茲無邊功德回資亡故某人身沐神輝
心皈正化罪華飄落還本始之光明悉審形
零悟本源之湛寂一具呈露萬妄頓除即登
天上之天永離地中之地為如上緣請聖作
證

念善

諸大地獄燈儀

靜然堂序立

華夏寶至燈壇

步履

灑淨

具位 某謹焚寶香遙瞻供養

太上無極大道三清上聖十極高真太乙慈

尊三界眾聖虛空鑒察感應靈祇願運慈悲

俯垂明證伏聞元始開闢真玄黃而立極虛

皇御運羅經緯以流形高清騰三景之輝泯

黃布九幽之象惟人為貴稟炁與精志覺海

之澄清莫起陽景溺愛河之流浪迷墜幽關

羅鄩泉曲之沉淪夜域寒鄉之悽慘五獄四

瀆星分考對之曹三界十方棋布推研之識

沈寥莫極茫昧無終億齡難遇於天光萬劫

常淪於地暗蓋以業由心造罪逐身修回首

前生念慮既藏於陰愚驚心死後形魂曷際

於陽明自迷悟之攸分致升沉之斯判非由

提掖未遂超凌惟瓊爰羅懺罪之儀而金錄

著然燈之式蘭膏隱映蓮炬輝華回耀降光

上接靈芒於若落開明破暗下騰神景於黃

泉周九壘以生春洞十華而不夜庶令幽爽

靈寶領教濟度金書 卷三四

獲觀陽光可登解脫之鄉徑上逍遙之路今

有某人崇建未齋開度亡故某人溥及幽冥

寬親平等謹於齋次燃點神燈允仗天光普

招地魄恭望帝幸曲憫師寶垂憐矜祖炁之

分靈放神輝而洞照開明獄境密映燈壇自

一燈至百千萬燈燈燈不滅由一獄至恒河

沙獄獄獄俱明伴陶五色之輝咸悟一真之

性悔心纓露惡根自清乘晨希陽穩上三清

之岸迴光返照長辭五濁之泥普及有情均

承大化清眾運誠讚揚功德

大聖元始天尊

大聖靈寶天尊

大聖道德天尊

衆誦開光呪旋遠點燈

陰景冥冥 長夜無期 死魂幽閉 精神散逸

華燈照夜 太陽流輝 朽骸開度 攝景返肌

光明遍照 遊奕同皈

流光法界天尊

第一北都羅鄩之獄在東北癸地乃天宮下

治之府內外宮洞同位圍聚環拱陰景天宮

有北陰天君主之東列天一監天中天虛天

皇天九天元正形正太真九獄南列流火火

九火箭飛火燒脚火家然身元平禁罰九獄

西列鐵車鐵馬鐵牛鐵驢鐵鐵不鐵杖鐵

鐃鐵羨象九獄北列玄沙北玄女青河伯律

令幽玄累劫糞穢冰池九獄隨眾生所造之

業較量輕重而分處之諸大魔王鬼官冥吏

參攬佐理考罪治魂凡一晝一夜之間有萬

死萬生之苦終天幽暗不觀光明今齋主某

切慮所度亡魂普及幽冥究親平等生有惡

緣死論此獄然燈接引請命提携伏望三境

至尊十華聖眾俯垂惠澤神化燈光遍照北

都羅鄩之中咸令囚徒均沐靈輝解悟宿命

悔過遷善見性回真削黑簿之冤愆紀丹陵

之姓字俚辭冥漠上證虛無清眾運誠恭吟

實偈

羅鄩北帝統都司 典領幽冥萬職扶

威統三天提憲綱 仁參三極削刑書

德音已降消微境 聖澤俄沾響絕區

仰願燈光無盡藏 提携游奕上玄都

七一九一

10/ABR-1

流无應現天尊

第二九幽之獄在西南丁地乃地官列治之府東曰幽冥青曜惡毒門風雷獄南曰幽陰赤輝巨羅門火翳獄西曰幽夜白耀鋒刃門金剛獄北曰幽鄴黑羅寒涼門冥冷獄東北

曰幽都無羅陷塞門鑊湯獄東南曰幽冶九醜惡毒門銅柱獄西南曰幽關荼滅穢抑門屠割獄西北曰幽府溟濛苑網門大車獄中曰幽獄普掠獄隨衆生所造之業較量大小而分處之陰官冥曹分條列掾研情鞠罪施罰考魂業鏡懸則善惡彰而莫逃其業風吹則形魂死而復活終天幽暗不覩光明今齊主某切慮所度亡魂普及幽冥究親平等生有惡緣死淪此獄然燈接引請命提携伏望金闕高尊玉京上聖俯施慈造神化燈光遍照九幽地獄之中咸令囚徒陶沐靈輝解悟宿命悔過遷善見性回真辭鬱絕之幽輝登妙巖之勝境根源不昧衣食自然清衆運誠恭吟寶偈

九幽執法列方隅 受命鄴城贊聖護

赫赫條章歸掌握 悠悠報對稽匡扶
三天誕布龍符耀 九地欽承鶴鼓敷
仰願燈光無盡藏 超凌長夜上玄都

威无應現天尊

第三泉曲府及十二河源之獄泉曲在東南丙地乃水官所治之府統尾閭口有萬鬼群十二河源分布九州乃分野考鬼之庭如導准自桐栢導渭自鳥鼠同穴凡十二處皆有陰獄隨衆生所造之業斟酌多少而分處之鬼職神僚幽曹冥佐拘魂定罪鞠因推情考陽間隱顯之愆按陰府報對之律終天幽暗不覩光明今齊主切慮所度亡魂普及幽冥究親平等生有惡緣死淪此獄然燈接引請命提携伏願无極元尊大羅至聖俯垂洪澤神化燈光遍照泉曲河源地獄之中咸令囚徒陶沐靈輝解悟宿命悔過遷善見性回真脫夜域之淒涼陟霄衢而快樂神風披拂道无薰陶清衆運誠恭吟寶偈

北都泉曲統河源 分列神庭領化權
上奉紫微施厚德 下臨黑壤絕盟言

慈雲鶴鶴天恩淡 湛露瀼瀼帝教宣
仰願燈光无盡藏 法橋穩駕步芳筵
靈光回照天尊

第四五嶽之獄東曰泰山府南曰衡山府西曰華山府北曰恒山府中曰嵩山府分曹設案環布職僚鞠罪治魂各有陰獄隨方列屬巖洞山林考召幽庭非一處所惟東嶽位崇五鎮名表天孫主領人民顯司報對獨有二十四獄環拱岱宗凡世人造業大則北都羅鄴治之次則九幽泉曲治之小則嶽瀆諸司治之其有纖瑕微類則當境靈司治之故五嶽威權赫奕於地司也今齊主切慮所度亡魂普及幽冥究親平等生有惡緣死淪此獄然燈接引請命提携伏望十極高尊九霄上聖俯垂寵渥神化燈光遍照五嶽陰獄之中咸令囚徒陶沐靈輝解悟宿命悔過遷善見性回真脫長夜之沉途登晨華之道岸不經輪轉自在逍遙清衆運誠恭吟寶偈

權尊五嶽列封疆 輔相乾坤拱帝鄉
聖日高明司地禁 威風震動擢天章

金符飛下三清界 王簡行周九壘湯
仰願燈光無盡藏 幽冥路慶春陽

關光丹景天尊

第五四瀆之獄江瀆廣源府河瀆靈源府淮瀆長源府濟瀆清源府位齊五嶽分治罪魂

設屬列曹各有陰獄隨處典領湖澤溪潭考罰神庭亦非一所凡世人心生口語自作教他大小罪緣陰陽愆過各因所造拘而治之今齋主切慮所度亡魂普及幽冥寬親平等生有惡緣死論此獄然燈接引請命提携伏望浩劫真尊虛无至聖俯垂恩照通照四瀆陰獄之中咸令囚徒陶沐靈輝解悟宿命悔過遷善見性回真辭地域之拘纏升天堂而快樂諸塵不染萬化俱融清眾運誠恭吟寶偈

威華四瀆列陰官 恭贊推成奉帝關
權佐北鄴嚴憲令 職聯東嶽聖恩頒
玉符散惠天門啓 青律停刑地戶開
仰願燈光無盡藏 提携幽爽覲天顏
金光秘景天尊

靈寶領教濟度金書 卷三四

第六里城靈獄大曰九州社令司次曰州縣城隍司小曰里域神司與廟統神秩各有治罪考魂之所隨方顯化名號莫理世人生無大善升神福堂又無大惡攝魂鄧府一旦命過報對權衡皆神司主之十直三元二十四

悉天地獄瀆真聖仙靈會集福庭考校善惡莫不以地祇錄籍為主故里域神秩於人最近今齋主切慮所度亡魂普及幽冥寬親平等生有惡緣死論此獄然燈接引請命提携伏望萬天帝尊十方仙聖俯垂矜憫神化燈光通照里域靈獄之中咸令囚徒陶沐靈輝解悟宿命悔過遷善見性回真蕩業垢以澄清因生根而游宴永辭陰地快觀陽天清眾運誠恭吟寶偈

神州列屬典條章 處處名傳莫紀量
苦惡幽冥推妙息 陰陽生死較微茫
龍鸞恩海慶慶剎 犴狴春回寂寂鄉
仰願燈光無盡藏 扶持寒夜任翱翔
寶光素景天尊
法界有盡燈光無窮奉三天之晨輝照九地

之幽獄威神廣大智慧昭融一一幽牢普見朝陽之積燦沉沉夜整頓如畫景之光華按經所言一十八獄二十四獄三十六獄八十一獄三塗五苦獄無間硤石血湖獄或名同亦異或名異實同无量无边遠盈幽境願乘

燈光之照耀普令罪爽之遷升即於光中了悟自性俾先造貪謀業者見之為喜捨先造嗔怒業者見之為忍辱先造愚癡業者見之為智慧先造殺害業者見之為慈悲先造偷盜業者見之為平等先造淫慾業者見之為清淨先造口舌業者見之為自在先造執業者見之為解脫先造凶狠業者見之為柔和先造人我業者見之為無碍先心燈發明天光朗徹自悟非膏非燭本來無欠無餘湛寂圓通虛靈知覺如水蓮之不染等秋月之無塵一根返源六用解脫罪源何有地獄亦空空無所空妙而入妙以自己獨覺之性度自己未覺之靈道通上清真猶返掌今齋主奉為所度亡魂普及幽冥寬親平等然燈照獄釋罪開光伏願早入慧源疾登覺地見聞

隨喜一切幽靈同證無為俱成妙不

道進快樂天尊

向來然點諸微神燈功德周圓伏冀燈光照
徹神景昭明且三界以流輝極十華而是朗
鬼官冥吏觀之者進職仙階獄卒胥徒見之
者及生人道飛潛動植並遂生成蠢動蠕蠕
盡全化育普脫輪迴之苦獲登清淨之鄉為
如上緣請聖作證

念善

靈寶領教濟度金書卷之三十四

靈寶領教濟度金書卷之三十五三十六

洞微高士關光啟書其人案全長授
靈寶通玄弘教水南先生林靈真編

科儀立成品開度通用

三塗五苦燈儀

步虛 灑淨

具位且共謹焚香供養

太上元極大道三清上聖十極高真太乙慈

尊三界東聖虛空鑒察應感靈祇願運慈悲

俯垂明證伏以乾蓋輕清煥陽光於碧落坤

輿重濁凝陰暗於黃冥清微儼仙聖之居黑

慘慘億齡極目生門之閉塞願瞻鬱絕環列

幽牢穢水火之憲章典陰陽之刑禁報緣異

赴罪對殊因三業山高寧斷三塗之考五蘊

海闊難傳五苦之輪非帝真曲運於慈悲則

神識曷超於苦惱是以瓊章演教金籙垂科

著然燈破暗之儀定回耀降光之格龍章錯

落鳳篆昭回期上接於神輝庸下提於幽爽

今有齋主某某崇建某齋開度亡故某某普及幽

冥寃親平等乞於齋次然點三塗五苦神燈

請光開幽頒符赦罪伏望元皇矜憫上帝垂

憐申錫智慧之光昭著威神之力惡根落滅

乘宸獲脫於昏衢累尸毀摧騰景頓登於覺

地三晨回釋五道開幽疾登解脫之鄉克禮

虛皇之聖奉奉丹悃切切玄思清泉運誠闡

行法事

流无法界天尊

旋行至天塗界

三塗之界第一名為上尸色慾門一切眾生

神皆清涼心就淫慾身謝之後受天塗驅雷

役電之考今有齋主某某按科格然鐵神燈

請降落滅上尸道靈官奉為亡故某某溥及幽

冥寃親平等落滅色慾之根解脫天塗之考

伏願丹闕流恩黑單膺社悟真常道還固有

之虛靈趣玄元機契太元之智慧明霞高步

偃月怡神清泉運誠虔恭讚頌

流光通道天尊

焚符

天尊惠澤泆群靈 井井金科煥日星